

*Lychnis cretica*, parvo flore, calyce striato purpurascente. *Tourn. Cor.* 24.  
*Viscago vesicaria cretica*, parvo flore purpurascente. *Dill. Elth.* 427. t. 317. f. 409.  
Been album vulgò fabariae folio tenuiori. *Cupan. Panph. ed.* 1. v. 1. t. 53.  
Στραβόνι hodiè.

In Cariâ et in Peloponneso. ☉.

*Radix* annua, parva, teres, infernè fibrosa. *Herba* tota glaberrima, minùs glauca. *Caules* solitarii vel plures, sesquipedales, erecti, undique foliosi, teretes, purpurascentes, simplices vel ramosi, apice repetitò dichotomi, paniculati, multiflori. *Folia* integerrima, uninervia, laevissima, longè minùs quam in priore carnosa; inferiora obovata, acuta, biuncialia, in petiolum angustata, basi dilatata, connata, prorsùs imberbia; superiora minor, ovata, acutiora, subsessilia. *Bractea* foliis superioribus similes, sed minores, magisque acuminatae. *Flores* e dichotomiâ caulis, vel in apicibus ramulorum, pedunculati, suberecti. *Calyx* praecedenti similis, at magis reticulatus. *Petalorum unguis* cuneato-dilatati, disco quasi carinati; *laminae* parvae, bipartitae, laciniis obovato-rotundatis, incarnato-albis; *appendiculis* bipartitis, divaricatis, emarginatis, niveis. *Stamina* unguibus vix longiora, *antheris* subexsertis, albidis. *Germen* ovatum. *Styli* staminibus breviores, inclusi. *Receptaculum proprium* longitudine germinis. *Capsula* subglobosa, acuminata.

a. Calyx.

b. Flos, avulso calyce.

c. Pistillum.

TABULA 417.

SILENE CÆSIA.

*SILENE* floribus corymboso-paniculatis erectis, petalis bipartitis linearibus; appendiculis integris, foliis obovato-rotundatis.

*Lychnis cretica* montis Idæ, folio subrotundo cæsius. *Tourn. Cor.* 24; ex caractere.

In monte Parnasso. ♀.

*Radix* teres, longissima, altè descendens, ramosissima; supernè indivisa. *Herba* multicaulis, caespitosa, erecta, pedalis, glauca, glaberrima. *Caules* alternatim ramosi, teretes, pallidi, undique foliosi, apice floriferi. *Folia* ferè uncialia, obovata, rotundata, obtusa, integerrima, uninervia, vix ac ne vix mucronulata; basi decurrentia in *petiolos* lineares, canaliculatos, margine membranaceos, obsoletecissimè ciliatos. *Pedunculi* terminales, solitarii, palmares, erecti, teretes, simplices, nudi, apice paniculati, plùs minùs dichotomi, pauciflori. *Bractea* parvae, ovatae, geminae, ad basin pedicellorum. *Flores* erecti, vel paululùm inclinati, longiùs pedicellati. *Calyx* obovatus, laevis, decemnervis, viridi alboque varius, haud reticulatus. *Petalorum unguis* cuneato-lineares, virescente-albis;